



Broj: 03-1-02-1-266-2/22 VL
Sarajevo, 06.04.2022. godine

Asocijacija izvođača i svirača - AIS
E-mail: ais@aisbih.org

PREDMET: Objavljivanje imena i prezimena članova AIS-a na zvaničnoj web stranici,
Mišljenje, dostavlja se

VEZA: Vaš e-mail od 31.03.2022. godine

Agencija za zaštitu ličnih podataka u Bosni i Hercegovini (u daljem tekstu: Agencija) je zaprimila e-mail veze u kojem ste naveli „*Da li možemo u skladu sa Zakonom o zaštiti ličnih podataka objaviti javno na zvaničnoj web stranici udruženja, Asocijacije izvođača i svirača AIS, imena i prezimena članova AIS-a?*“.

U vezi sa naprijed navedenim, na osnovu člana 40. stav (2) tačka g) Zakona o zaštiti ličnih podataka („Službeni glasnik BiH”, broj: 49/06, 76/11 i 89/11), dajemo sljedeće:

MIŠLJENJE

Zakon o zaštiti ličnih podataka (u daljem tekstu: Zakon) predstavlja osnovnu legislativu koja neposredno određuje obradu ličnih podataka, sa ciljem da se na teritoriji Bosne i Hercegovine svim licima, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

Prema članu 3. Zakona o zaštiti ličnih podataka:

„**lični podaci** znače bilo koju informaciju koja se odnosi na fizičko lice koje je identifikovano ili se može utvrditi identitet lica“;

„**nosilac podataka** je fizičko lice čiji se identitet može ustanoviti ili identifikovati, neposredno ili posredno, naročito na osnovu jedinstvenog matičnog broja te jednog ili više faktora karakterističnih za fizički, fiziološki, mentalni, ekonomski, kulturni ili socijalni identitet tog lica“;

„**obrada ličnih podataka** podrazumijeva bilo koju radnju ili skup radnji koje se vrše nad podacima, bilo da je automatska ili ne, a posebno prikupljanje, unos, organizovanje, pohranjivanje, prerađivanje ili izmjenu, uzimanje, savjetovanje, korištenje, otkrivanje prenosom, širenje ili na drugi način omogućavanje pristupa podacima, svrstavanje ili kombinovanje, blokiranje, brisanje ili uništavanje“;

„kontrolor je svaki javni organ, fizičko ili pravno lice, agencija ili drugi organ koji samostalno ili zajedno s drugim vodi, obrađuje i utvrđuje svrhu i način obrade ličnih podataka na osnovu zakona ili propisa“;

„saglasnost nosioca podataka je svaka konkretna i svjesna naznaka želje nosioca podataka data slobodnom voljom kojom nosilac podataka daje svoj pristanak da se njegovi lični podaci obrađuju“.

Shodno definicijama, Asocijacija izvođača i svirača - AIS (u daljem tekstu: AIS), je kontrolor koji obrađuje lične podatke članova AIS-a.

U članu 4. Zakona propisani su osnovni principi obrade ličnih podataka kojih su obavezni da se pridržavaju svi kontrolori.

U članu 4. stav (1) tačka a) Zakona propisan je princip koji obavezuje kontrolora da lične podatke obrađuje na pravičan i zakonit način.


Ovaj princip podrazumijeva obradu ličnih podataka na osnovu saglasnosti nosioca podataka u smislu člana 5. Zakona ili se obrada vrši bez saglasnosti ukoliko je ispunjen jedan od uslova propisanih u članu 6. Zakona.

Shodno navedenom, da bi AIS objavila imena i prezimena članova na zvaničnoj web stranici, neophodno je da postoji saglasnost članova ili da je ispunjen jedan od uslova iz člana 6. Zakona.

S poštovanjem,

Dostavljeno:

- Naslovu,
- a/a.



DIREKTOR

dr Dragoljub Reljić